

PETERA RAWNGBÂWLNA



CHÂNGVAWN: “Chutichuan Peteran an hnênah thû a sawi tan a, ‘Pathianin mi duhsak bîk a nei lo va, hnam tina mi tû pawh amah chu ãih a, thil dik ti ãhîn apiangte chu a lâwmzâwng mî an ni tih dik takin ka hrethiam e’ tiin a hrilh ta a” (*Tirhkohte* 10:34, 35, NRSV).

SABBATH CHAWHNÛ

August 4

Chhiar tûrte: *Tirhkohte* 9:32–43; 10:9–16; 11:1–26; 12:1–18; *Efesi* 2:11–19.

TARSA lama Paula a kal tâk avângin Petera chu Kristian kohhran hun hmasa lama mi langsâr ber a rawn ni leh ta thung a. Petera hi Judai ram chhûng zawng zawng leh a chheh vêl ramtea rawngbâwla zin kual ãhîna sawi a ni. Hetah hian thil mak tak pahnih thleng chanchin tâwi tê-in Luka hian a sawi a, chûngte chu: Ainia zeng tihdam a nih thû leh Tabithi (Dorki) kaihtawh thû a ni. Hemi zawh hian bung 10-naah Kornelia chanchin sawi zui a ni leh bawk.

Gentail-te an pianthar vê theih leh theih loh thu kha tihkohte hunlâia kohhranhote inhnialna nasa ber a ni a. Kornelian baptisma a chan hnûa thil an sawi hote khân an harsatna zawng zawngte chu su kiang lo mah se, Pentikost nî anga Thlarau leih buâk lo thleng leh ta a hmuh aţang khân Petera leh Jerusalema awm ringtûte chuan chanchin ãha malsâwmnate

hi Juda-te chan tûr chauh a nih bîk lohzia an lo hre tawh a. Hetih lâi hian Antiokei khuua kohhran phei chuan Gentail-te zîngah rawng an lo bâwl ʔan dêr tawh bawh.

Tûn kârah hian hun rei vak lo awh tihduhdahna dang a lo chhuah thar thû kan zir dâwn a. Tûna mi hi chu Lal Heroda hnuaiia thleng niin, chu chuan Paula tihduhdahna hnuaiia dam khaw chhuak tirkhohte a nghawng dân pawh kan thlîr ho bawh ang.

SUNDAY

August 5

Ludda leh Joppa khuuah

Petera hian Judai ram tuipui kam vêla awm Kristiante chu a tlawh kual a. Thurin dik zirtîr tuma kal a nih a rinawm a (*Tirkhohte 2:42*), mahse Pathian chuan Isua ngei pawhin a lo tih tawh ʔhin ang thilmak ropui tak takte kha ti vê tûrin a lo hmang ta hlauh a ni.

Tirkhohte 9:32–35 chhiar la. Luka 5:17–26-a Isua thilmak tih kan hmuh leh Ainia zeng tihdam thû kan hmuhte hian eng nge inanna an neih?

Hemi chanchin a ziah hi tâwi hlê mah se, Kapernaum khuua zeng pakhat Isuan a tihdam thu lâr tak kha (*Luka 5:17–26*) min hriat chhuahtîr a. Hêng zeng pahnihte hi tihdam an nih hmâ chuan khuma mu hlâwm reng vê vê an ni. Chu âia pawimawh zâwk erawh chu, Ainia tihdam a nihnain Ludda khuuah chauh pawh ni lovin, Saron phâia awm zawng zawngte nuna nghawng a neih kha a ni. Khâ thilmak thleng kha anmahni ngeiin an hmuh avângin mi tam takin LALPÂ lam an hawih phah ta a ni.

Tirkhohte 9:36–43 chhiar la. Tabithi kaihthawh a nih dân hi han sawi teh. A chungchângah hian eng thil danglam

bîk tak nge awm?

Tabithi (hei hi Aramik tawnga, “sazuk lâ” tih an sawina a ni a; a Grik hming chu “Dorki” tih a ni thung) hi ringtu tha tak, mi dangte tanpui peih êm êm a nih avânga an thenawm khawvêngte pawhin an ngainat rawn a. Kaithawh a nih dân leh Isuan Jaira fanu thi tawh hnû a kaihthawh dân pawh kha a inang hlê (*Luka 8:41, 42, 49–56*); khami tum khân Petera pawh hi a hmunah a awm vê a nih kha. Isuan a tih ang chiah khân Petera hian pindana awm zawng zawngte chu chhuak vek tûrin a hrilh a (*Marka 5:40 en la*). Chutichuan thingthîin a tawngtâi a, a tawngtâi zawh chuan, hmeichhe thi tawh chu, “Tabithi, tho rawh” (*Tirhkohte 9:40*) tiin a hrilh ta a ni.

Petera hian thilmak tam tak a ti a; mahse a nihna takah chuan, hêngte hi amah hmanga Pathianin thil a tihte a ni zâwk (*Tirhkohte 5:12*). Hêng a thilmak tihte leh, Isua thilmak tihte kha inang a awm nual a, hei hi kohhranhoten (tûnlâi huna mi keini pawh telin) hmanrua atân tu nge a hman tih ni lovin, a mi hmana chu eng tiang taka thûkin nge Pathian hnênah a intuk luh tih hi a ni tih min hriattîr a duh vâng a nih a rinawm (*Johana 14:12 en la*). Chanchin tha hmâkhaw ngâia Pathianin min hman kan inphal chiah hian thil ropui tak a lo thleng thei a. Petera pawh hian Tabithi a kâitho a ni mai lo va, khâ a thilmak tih khân Joppa khuua mi tam tak chu a pianthartîr bawk a ni (*Tirhkohte 9:42*).

Mi thenkhat chuan thilmak—tûna kan sawi tâk ang chîte hi—anmahni ngeiin an hmû a nih chauhian Isua an rin tûr thû an sawi thîn a. Ni e, thilmak thlengte hian mi thenkhat chu rinnaah a hruai thîn rêng a ni; amaherawhchu, Bible-ah hian anmahni mit ngeia thilmak thleng lâi hmû, mahse ring duh chuâng lo an awm thû kan hmu tam mai. Chuti a nih chuan, kan rinna hi enga inghat tûr nge ni ta le?

Joppa khuua Petera a châm chhông khân savun siamtu mi pakhat, Simona inah a thleng a (*Tirhkohte 9:43*). Hetih lâi vêl bawk hian Joppa khuua atanga mêl sawm hnih leh panga (kilometer 40) vêla hlâa awm Kaisari khuuah chuan Rome sipai za hotu pakhat, a hming Kornelia an tih chu a awm a. Amah leh a chhôngte khân Juda sâkhua la zawm famkim chiah lo mah se (a awmzia chu, Kornelia hi Gentail mi, serhtan loh a la ni rih tihna a ni) Pathian chibai bûk thîntûte an ni. Pathianin inlârna a hmuhtîrah chuan Joppa khuuah mi tu emaw va tîr a, chumi khuua awm mêk Petera chu amah rawn hmu tûra va sâwm tûra hrilh a ni a (*Tirhkohte 10:1-8*).

Tirhkohte 10:9-16, 28, 34, 35 chhiar la. Eng thil nge Peteran a tawn a, chû a thil tawn chu eng tin nge a hrilhfiah?

Peteran inlârna a hmuh hi ei leh in thû ni lovin, mihring chungchâng a ni zâwk tih hriat a pawimawh khawp mai. Chawhnu lam a ni a, Petera chu a ril a tàm hlê a, âw a hriat chuan a ransa hmuhte chu talha a sa ei tûrin a hrilh tih kan hria. Mahse, hê inlârna hi sa thiang leh thiang lo thliar hranna hlih nân ni lovin, chanchin thâ chu mi tin huap a nihzia Pathianin Petera a hrilhfiah nân a hmang a ni zâwk.

Hê inlârna hian Gentail-te laka Petera a inkhârkhîp tlat reng mai chu inhawntîr a tum a. Petera hian Kornelia inah a luh a, amah nêna an inkawm chuan a lo bawlhhlawh ang a, temple-a Pathian chibai bûk tlâk emaw, Pathian hmâa ding tlâk emaw a ni dâwn tawh lo niin a inngâi tlat a. Hetiang hi kum zabi pakhatna lâi vêla Judai ram leh a chhehvêla awm Juda-te ngaihdân tlânglâwn tak a ni rêng a, serhtan loh Gentail-te nêna inzawmna eng chî mah neih an duh ngâi lo.

Hetiàng ngaihdân hi an neih chhan chu an Pathian thu lâk dân dik loh vâng a ni. Gentail-te chu Israel mîte zînga tel tâk lo niin an ngâi a. Mahse hê ngaihdân hi Israel hnam din a nih chhan dik tak chu hnam hrang hrangte hnêna Pathian dik hriatna neihâr a ni tih hriatthiam lohna aţanga lo chhuak a ni.

Serhtan kha Abrahama thuthlung chhinchhiahna a nih avângin serhtan vê lote chu mi hrang daihah an ngâi a, an hmusit thei hlê bawk. An serh an tan a, Juda sâkhua an rawn zawm a nih loh chuan, thuthlung malsâwmnate chu eng mah an chang vê thei lo niin an ngâi. Mahse hun a lo kal zêl a, ringtûte kha chuan chutiàng ngaihdân chu Isua thihna khân mi zawng zawng a huap tih thu nêh hian a inrem lohzia an lo hrethiam cho ta zêl a ni.

Tita 2:11, Galatia 3:26–28, leh Efesi 2:11–19 chhiar la. Hêng chângte hian chanchin thû chu mi tin huap a nihzia eng tin nge an sawi hlawm? Eng hnam emaw an nih avânga mi tûte emaw hmuh dik loh sa ngawtna neih ang châ hi Kristiante tân chuan a dik lo hlê a ni tih min hrilh em?

THAWHLEHNI

August 7

Thlarau Thianghlim thilpêk chu

Tirhkohte 10:44–48 hian kohhran hmasa chanchina hun pawimawh tak a thlen thû a sawi a. Hemi tum hian tirhkohte zînga pakhat chuan a wawi khatna atân serhtan loh Gentail-te zîngah thû a hril a nih kha. Grik ţawng hmang Juda-te ang lo takin tirhkohte leh Judai rama ringtu dangte kha chuan kohhrana Gentail-te seng luh vê mai chu an la remti rih lo. Isua kha Israel-te nghahfâk Messia a nih avângin, chanchin thâ chu ram hrang hranga awm Juda-te hnênah hril hmasak phawt tûr niin an ngâi tlat a. Juda Kristian hmasâte kha chuan Gentail-te chu kohhrana an rawn tel vê hmâin Juda sâkhuaah an inleh hmasak phawt a ţul niin an ngâi a, chû an ngaihdân chu thlâksak a ngâi a ni.

Kornelia leh a ina chêngte hnêna ɣawng thilpêkte pêk a ni hi Juda Kristian hmasâte pawm dân kha a dik lo va ni tih Chiang taka tilangtu a ni. Pathian chuan mi tû mah duhsak bîk a nei lo va, chhandamna thû-ah pawh Juda-te leh Gentail-te chu a hmâah an inang tlâng vek a ni.

Tirhkohte 11:1–18 chhiar la. Eng tiangin nge Jerusalema kohhranhote khân Kaisari khuaa Petera thil tawn hi an lo ngaih?

Juda-ten Gentail-te chungchânga ngaihdân nghet tak an lo neih tawh sâ avâng khân Jerusalema ringtûte chuan serhtan lohte bula Peteran châw a kîl vê mai kha an hrethiam lo va, an sawisêl ta rêng a. Hêng mîte hian Kornelia leh a chhêngte chhandamna âiin, Juda-te sâkhaw serh leh sâng ho tê tê-te chu an dah pawimawh zâwk niin a lang. Chûng serh leh sâng thilte chu kohhranin a bawhchhia a nih chuan, Israel sâkhua an phatsanah an Juda-puiten an lo ngâi ang a, Pathian duhsak bîk an nihna chu chânin, Stefana thih phahna ang thû tho kha an sawi vê emaw an ti palh ang tih an hlâu a ni.

“Krista kohhranin hna thar hlak a thawh hun tûr chu a lo thleng ta. Juda ringtu tam takten Gentail-te tâna kawng an lo khârsak tlat thîn chu tûnah chuan hawn a lo ni dâwn ta a. Chanchin ɣha pawmtu Gentail-te pawh chu—serh an tan kher ngâi lovin—Juda-te nêh inang reng nia ngaih an lo ni thei dâwn ta a ni.”—Ellen G. White, *Tirhkohte Thiltih*, p. 136.

Pentikost nî ang mai khân, hemi ɣum pawh hian tûn hmâa an la hriat ngâi loh ɣawngtein an ɣawng ta a (heta an ɣawng hman hi vân ɣawng emaw, a riata riat ang chî emaw a ni lo tih hria ila). Chutiang ɣawnga ɣawngtîr an nih chhan erawh a inang lo: tirhkohte hnêna pêk a nih chhan kha chu chanchin ɣha hriat darhna atâna hman tûr a ni a; chutih lâiin, Kornelia hnêna pêk a nih chhan chu Gentail-te hnênah pawh Pathian khawngaihna chuan hnâ a thawk tho a ni tih nemnggehna atân a ni vê thung.

Antiokei khuua kohhran chu

Kornelia lo piangthar ta chuan Luka hi a tilâwm hlê mai a, chuvâng chuan Petera rawngbâwlina chanchin a sawi mêk chu tâwp sanin, Gentail-te zînga chanchin thain hmâ a sâwn chhoh zêl dân min hrilh ta zâwk a ni.

Tirhkohte 11:19–26 chhiar la. Jerusalem ațanga mi thênkhat Antiokei khuua an tlan chhiat khân eng thil nge thleng?

He lâi thu (*Tirhkohte 11:19–26*) hian bung 8-a Paulan Kristiante a tihduhdah thû baw kha a rawn sawi leh a. Chutianga Judai ram leh hmun dang danghte pawh Isua pawmtu an lo pun zêl lâi chuan, Jerusalem ațanga hnawhchhuah Grik țawng hmang ringtu thênkhatte chuan Judai ram pawnsah pawh chanchin thâ an pu darh ta zêl a.

Luka hian Suria rama khawpui pakhat, Antiokeia thil thleng chu a sawi deuh ber a, hê hmunah hian râltlântê chuan an Juda-puite leh Grik țawng hmang Juda-te hnênah thû an hril thîn a, chuvâng chuan mi tam takin rinna chu an lo pawm ta. Chutiang chuan Tirhkohte 1:8-a Isua thupêk kha hêng Grik țawng hmang Juda Kristiante hnathawh hmang hian tihhlawhtlin a lo ni ta a. Anni hi Gentail-te hnêna chanchin thâ hril hna bulțantu dik takte chu an ni.

Antiokei khuua thil awm dân hi thlîthlâi tûrin, Jerusalem khawpuia awm tirhkohte chuan Barnaba tirh zâi an rêl a. Chanchin thâ hril darh leh zêlna tûr kawng a inhawng zâu hlê a ni tih a hriatin, Barnaba chuan Tarsa khuua awm mêk Paula chu amah puitu thâ tak a nih theih ringin a zu pun ta a ni.

Barnaba thil tih hi tih âwm rêng pawh a ni. Paula nêna an thawh dun chhûng khân mi tam takin (a tam zâwk chu Gentail mi an ni a) chanchin thâ an lo hriat vê theih phah a. Phûr taka

Isua Krista chanchin an sawi chuan hê khuaa ringtûte hi a vawi khatna atân “Kristiante” tia mîte hriat a hlawhtîr ta a ni (*Tirhkohte 11:26*). “‘Kristiante’ tia sawi a ni ta” tih tawngkam hian “Kristiante” tih thumal hrim hrim hi chu kohhrana tel ve lote phuhsak a ni tih a tilang a, elsenna lam hawi pawh a ni zâwk maithei. Ringtûte kha chuan “ûnate” (*Tirhkohte 1:16*) ti te, “zirtîrte” (*Tirhkohte 6:1*) ti te, a nih loh pawhin, “mi thianghlimte” (*Tirhkohte 9:13*) ti tein an insawi tlângpui thîn a. *Tirhkohte* bû ziah a nih lâi vêl hi chuan, “Kristian” tih chu anmahni sawina tawngkam lâi tak a ni tawh a, chu chu Luka pawh hian a nemnghet niin a lang. “Kristian” tih awmzia chu Krista zuitûte tihna a ni.

“Kristian” tia koh nih hi eng nge a awmzia nia i lo hriat vê dân sawi la. I nun kha a Kristian viâu em? A awmzia chu, thil pawimawh tak takahte hian Kristian ni vê lote lakah eng tiang taka danglamin nge i nun le?

NINGÂNI

August 9

Heroda hnuaiia tihduhdahna

Tûnah chuan Judai rama thil thleng chanchin kan sawi leh tawh ang a; Lal Heroda khân Johana ûnaupa, Zabedaia fapa Jakoba (*Marka 1:19*) chu khandaihin a sât hlum a. Khatiang kha Petera chungah pawh tih a duh a ni.

Tirhkohte 12:1–4 chhiar la. Hei hian Kristian hmasâten chona an hmachhawnte chungchâng eng nge min hrilh?

Heti lâia Lal Heroda a tih hi Heroda Liana tupa, Agrippa I kha a ni a (*Matthaia 2:1*); ani khân Judai ramah A.D. 40 a tanga 44 chhûng ro a rêl a. Sâkhaw mi tak a nih avângin Juda-te, a bîkin Farisaiten an ngaisâng hlê. Tirhkoh thenkhatte tiduhdaha

Juda-te lawm hlawh a tum thu Lukan a sawi hi a chanchin ziaktu dangte pawhin an sawi dân tho a ni.

Jakoba a tihlum khân Juda-te a tilâwm hlê a ni tih a hriatin, Petera pawh tihlum vê leh a tum ta a. Petera chu a man a, tân inah a khung a, sipai pâwl palí, pâwl khata sipai palí zêl awmna chu vên-tîrin, hêng pâwl palí-te hian zan khatah ÷um khat ÷euh zêl an invên chhâwk a. Chutiang chuan Petera chu eng tik lâi pawhin sipai palí-in an vêng reng a; sipai pahnihte chu a sîr tawn tawnah awmin amah nêh thîr khâidiata thlun zawm vê vê an ni a, sipai dang pahnihte chu kawngkhâ bulah an duty vê thung. Hetiang taka uluka vên a nih chhan chu, hemi hmâ, Johana nêna man an nih ÷um khân hruai chhuah an lo nih tawh vâng a ni (*Tirhkohte 5:17–20*).

Tirhkohte 12:5–18 chhiar la. Eng tin nge ûnaute ÷awngtâi chhânna chu a lo thlen?

Agrippan Petera chungthû ngaihtuaha tihlum nghâl a tum nî hmâ chiah zânah chuan Petera chu vântirhkoh pakhatin mak tak maiin a hruai chhuak leh tlat mai.

Hetieng thil a thlen thû a sawi hnû chiah hian Kaisari khuaa Agrippa thih thû a sawi leh ta daih a (*Tirhkohte 12:20–23*). A thih chhan hi eng nge ni ang tih thû-ah ngaih dân hrang hrang a awm a (hâm natna, pumpui ulcer, tûr ei, leh a dangte); mahse Luka hi chuan a chung a Pathian rorêlna lo thlen avânga thî a nih thû a sawi Chiang hlê.

Jakoba chu tihlum a nih lâiin Petera erawh chu chhanchhuah a ni thung; Heroda chuan Pathian hremna a tuâr bawk. Thil ÷enkhatah rorêlna dik tak kan hmuh lâiin, thil ÷ekhatah erawh chuan kan hmu leh chuang sí lo niin a lang. Hei hian kan zawhna zawng zawngte a chhânna kan hmu vek dân lo a ni tih leh, kan hriatthiam

lohte chu rinnaa pawm mai tûr kan nihzia eng tin nge min hrilh le?

ZIRTÂWPNI

August 10

Zir belhna: “Tirhkohte bung 10-naah hian vântirhkohte hnathawh avânga Kornelia leh a ina chêngte an lo pianthar tâk thû kan hmu leh bawk a. Bung 8–10 hi ngun lehzuala chhian ni teh se. Hêngahte hian thlarau bo chhanchhuah hna thawktu Kristiante chu mi tam takten an hriat âiin vânin a hnaih hlê a ni tih kan hmû a. Hêng aţangte hian Pathian chuan mi tin hi a hmangaih a, chuvâng chuan kan mihringpuite hi LALPAN he leia a hna a thawhna tûr hmanruate an ni tih kan hre tûr a ni.”—Ellen G. White Comments, *The SDA Bible Commentary*, vol. 6, p. 1059.

“Kohhranhote an ţawngţai hian LALPÂ hnâ chuan hmâ a sâwn ţhîn a, a hmêlmâte erawh chu eng mah lo mai an ni thung ang; hei vâng hian kohhran chuan harsatna leh tihduhdahna a pumpelh dâwn e tihna chu a ni chuang lo. Chanchin ţhain hnehna a chan thû Lukan a sawi hi a tak tak a ni a, Pathian thû chu khuahkhirh theih ni lo mah se, rawngbâwltûte erawh chuan hrehawm an tuar thei a, kawl pawh buntîr an ni thei tho tih a hre chiang hlê a ni.”—I. Howard Marshall, *The Acts of the Apostles* (Grand Rapids: Eerdmans, 1980), pp. 206, 207.

Sawi ho tûrte:

❶ **Kornelia kha “Pathian ngaihsak mi, a chhûngte zawng zawng nêna Pathian ţihtu a ni; mîte hnênah phal takin ţanpuina a pe ţhîn a, Pathian hnênah a ţawngţai fo bawk” tia sawi a ni (Tirhkohte 10:2, NRSV). Petera nêna an intawn hmâ hauh pawh khân Pathian Thlarau chuan Kornelia thinlungah hnâ a lo thawk tawh reng a. Pathian pâwlina hun a lo hmang ţhîn kha Pathianin chanchin ţa**

thuchah a hrilh theihna remchâng a lo ni reng em ni? A chanchin aţang hian zirlâi zir chhuah theih kan nei em?

- ② In class-ah Thawhtanni zirlâia zawhna hnukung ber kha en leh ula, tichuan, hê zawhna hi inzâwt ang che u: I chênna ram/khuaah khân Kristianten an neih loh tûr hnam dangte hmuh sual sâ ngawtna ang chî hring chhuak thei hnam zia, khawtlâng nun leh politics thil eng eng nge awm? Tawngkam danga sawi chuan, Kristiante hian kan hnam zia leh lo zîk chhuahnate hian thil  ha kan tih tûr min dâl loh nân eng tin nge kan tih ang?
- ③ Paulan anmahni a tihduhdah hnâ a thawh kha tuar hlê mah se, thil  h  erawh a hring chhuak v  tho va: r ltl nte chu Antiokei khuaah kalin Juda-te leh Grik tawng hmangte hn nah th  an hril  an phah a ni. In class-ah hrehawm leh harsatna in tawhte chu Pathianin mals wmnaa a chant r z wk d n sawi ho rawh u.
- ④ Jakoba kha zirt rte z ngah rau rau pawh Isua hnaih lehzualtu ber pakhat a ni a (*Marka 5:37, 9:2, 14:33*); mahse, s wm leh pahnihte z nga thi hmasa ber a ni hlauh s . Bible-ah hian mi rinawm tak, mahse dik lo taka hrehawm tawrh r ni s  mi dang t te nge awm? Ch  m te chanchin aţang chuan tawrhna chungch ngah eng zirl ite nge zir chhuah theih kan neih sawi rawh u.